

廣東府縣志輯

中國地方志集成

民國潮州府志略
民國潮州志



中國地方志集成

廣東府縣志輯②⑤



民國潮州府志略

民國潮州志

上海書店 ● 巴蜀書社 ● 江蘇古籍出版社

民國潮州府志略

潘載和纂修



本書不分卷。現據民國二十二年（一九
三三）鉛印本影印。

自序

曩予每嚮往於志乘之作，蓋以其紀一方之文獻，徵百世之盛衰；里邑政教，風物人事，凡所以資考證，備搜檢者，莫不綏輯羅舉，洞然瞭然於尺籍中爲。

潮之有志，舊矣。其始創於明嘉靖間，司馬車份，太守郭春震稍稍編纂之。嗣燬於兵，蕩然無復存。其後清順治庚子間，太守吳穎章創於先；康熙二十二年，太守林杭學繼成於後；雍正癸卯間，太守胡恂，乾隆壬午間，太守周碩勳相繼重修之。今吳，林，胡三志已不可得，而周志之傳者，蓋亦寥寥矣！

壬申春，予任教於榕城故鄉。暇頗瀏覽府縣志乘，憚其繁，且苦其不易得，每有意於剪綴之功，會以事廢。今年夏，避暑家居，未忘風願，間輒操筆書。其取資於周志者什之五六，旁及通志，縣乘，益以韓江聞見錄，著舊集，潮州文概書諸，刪蕪挾要，居然巨帙。排比既竟，得綱凡十有六；爲圖誌，爲自然現象，爲沿革，爲疆域，爲山川形勢，爲水利國防，爲交通，爲建設，爲兵備，爲稅法，爲人物，爲風俗，爲物產，爲佚聞，爲藝文；而南澳考畧，汕頭考畧，潮汕現狀附焉。雖通列之未盡，而上下數千年往蹟遺况，固亦畧備於斯矣。

書成付梓，爲記其始末如此。

民國二十二年孟冬既望，揭陽潘載和虬髮序于秋風聽雁之樓。

潮州府志畧序

民國七八年間，先師吳斐然先生方纂修詔安縣志，予時侍讀於齋，得與鈔寫之末；於志乘之重要與否，茫然無所知也。稍長，得讀章學誠文史通義，始曉然於方志之作，爲有關於國史之盛衰也。雖地限一方，所包未廣，然文獻得而徵焉，猶有禮失求野之遺意，安能以一隅小之乎？蓄志繼作，而力未逮也。

近友人潘君載和以大作潮州府志畧一書徵序于予，予自維不文，固辭未獲，不得不勉爲蕞蕞之獻，亦所以補前陷焉。顧予於潮，客也，主客之勢既殊，又安能習其文物，徵其掌故，以爲潘君之助？無已，其就志乘之法，爲潘君進一解焉。

竊以爲志乘之作，其在文史通義所推論者，亦既詳而嚴矣。世有作者，舉未能出其規模，顧予何必嘖嘖爲哉？誠以章氏發凡起例，功固不可磨；然而世變之極，花樣之多，則又非章氏所能盡知。苟繼起有人，必斟酌而酌今，因時以制宜，不斤斤於古法之是泥矣。潘君此作，雖多仿襲，無傷也。蓋潮志之不作，距今亦將二百年矣！考古之勤，述事之殷，功何可沒哉！

雖然，使潘君能以科學之方法，合史地而治之，縱橫上下，巨細無遺，其價值或不止此。

持斯微旨，願與潘君共勉之。

詔安沈逢材序於汕頭海濱師範

潮州府誌畧序

余幼溺庭愛，從先妣課唐詩，輕易不許出門院，閭里叔伯，且不能辨，無論十里外之風光景勝矣。

弱冠負笈江南，春色鶯歌之啓示，蓋時於探求詞章學理暇，又喜作自然勝跡之留連矣。西湖塔畔，媚擬越娃；采石磯頭，俊若趙俠。江山瓌勝，歷史綺情，每一命筆，輒綴萬言，雖似春花嬌弱，轉瞬凋零；然愛知之謬推，亦每沾沾自喜也。而故鄉之文獻物情，史略名迹，反似十里霧中，即韓公昔時導化往轡之處，且未嘗一往憑吊，私心憾矣。

陳序 潘君載和，有潮州府志畧之作，徵序於予。予觀書中對於圖誌交通，風俗佚聞，而至於自然現象，疆域沿革，文化遞進，莫不目張網舉，瞭然籍中；始益歎余對於故鄉文獻之疏忽而潘君之用心專也。是書之功，足以存千載變革之痕迹，補信史記載之缺遺，固非余所敢軒輊，然余將因是而按圖覓勝，一窺故鄉風化山水之奇奧，以償夙憾，則載和之助余豈殘鮮哉。

陳鐵光序

潮州府志畧序

潮州之有府志，由來久矣。既編刻於前，復續修於後，舉凡山林川澤疆域城市之變遷，風俗政教人物藝文之遺蹟，莫不旁搜遠紹，細大不捐，洵文獻之足徵者，第以年遠世變，版牒散失，舊存原本，幾如吉光羽片，網羅而不可得。

且自縣治屢更。繼以府制廢止，邑乘失傳，郡志湮沒，其間流風善政，逸事遺徵，之足以型鄉邦垂紀念者，又幾同荒碑斷碣，沉沒而不可攷，良可惜也。

林序 潘君載和，於從事教育之暇，不憚徵文徵獻之勞，樂繼書策書方之任，擷要採精，撮繁就約，編輯成書，顏曰潮州府志畧，使人手一篇，則潮屬掌故，地方沿革，開卷瞭然，爲國史編修資料，爲鄉土中乘參攷，其裨益於社會者，豈淺鮮哉，是爲之序。

揭陽林右叙誌于恕齋 三三，一二，冬半日

凡例

一 潮之有志，始於明嘉靖間司馬車份，至清乾隆間太守周碩勳，重修者五；周志之後，無續輯者；乾隆迄今近二百年，舊志散佚大半，得之匪易。編者爲利便地方文獻之流傳，爰輯是書。

一 舊志卷帙繁浩，即能購置，披讀亦難；是書於舊志間櫛精去蕪，篇幅未及十分之三，而重要文獻，已包括畧備，故名之爲「潮州府志略」。

一 潮志最備者當推周守所輯之本，故是書依據周本而編，間及通志、縣志，暨私人編述者，亦復不少。

一 周志所收，迄乾隆初而止；乾隆以後，因無參攷材料，故是書除一小部分外，亦均止於乾隆間，新志續作，當期諸宿學。

凡例

凡例

一 時世變遷，其影響於地方文化，社會俗習者甚大，故最近地方情形，是書亦畧有述及，另附於後。

一 是書編制，畧異舊志條例，要之均以簡明爲主。

一 地方形勢，莫詳於圖幅，故是書首列圖誌。

一 民俗禮俗，與天然環境實有莫大之關係，故是書次列自然現象。

一 野蠻文化之分，荒壤樂土之漸，其所以變遷之跡，皆人人之所欲知，故是書次列沿革。

一 滄海桑田之變，星邑墟圖之遷，地方興廢，今昔不同，故是書次列疆域。

一 潮爲山水之國，鄉邦形勝，當知概畧，故是書次列山川形勢。

一 庶政之要，首重水利；而旱潦之災，或出不測，則堤防尤有關於民瘼，故是書次列水利堤防。

一 文化之興替，當於交通之利便與否視之，故是書次列交通。

一 古代建設，半就湮沒，是則不可不紀，故是書次列建設。

一 潮居嶺表，扼山海之險要，自古兵備森嚴，汛防、關隘、砲臺，星羅棋布，蓋非此無以靖地方而安黎庶也，故是書次列兵備。

一 稅賦爲國家收入之來源，亦人民對於國家之負擔，於此蓋不難窺見古代民生狀況，故是書次列稅法。

一 潮於嶺表爲名郡，自漢唐來二千年，人文蔚盛，儼於中州，鄉賢先哲，其足以爲吾人之表率，資吾人之服膺者，表而出之，豈不宜哉，故是書次列人物。

一 人物一部，視其人之生平而別其門類，異其詳略，如政治、文學等門，則兼敘其事略；篤行、氣節等門，則僅列其姓氏里邑而已。

一 是書本有職官選舉一門，今從畧。

一 入國問禁，入鄉問俗，覘其習尚，足以窺見其社會之狀況，故是

凡例

凡例

書次列風俗。

一 潮郡負山瀕海，夙稱富饒，地盡其利，民安其食，國計民生，莫重於是，故是書次列物產。

一 野老相傳，不少荒史稗乘，村夫偶語，儘多文獻材料，故是書次列佚聞。

一 秀氣所鍾，獨多昔賢遺蹟，流風所及，景行行止，此蓋千古爲然也，惟是世變之極，何殊蒼狗白雲，千載勝概，半就湮沒，則將何所憑弔乎？故是書次列古跡。

一 潮於唐後，文人輩出，武侯出師之表，工部傷亂之詩，名臣多經濟之文，神童有嘔心之作，以之擲地，莫非金石之聲，故是書附以藝文。

一 南澳置縣，至今未及廿年，志乘之所未載，故是書特輯南澳攷畧附焉。

汕頭以一窮荒半島闢為商埠，幾未百年，蔚然南中國著名巨港，是書於其沿革遷變，特輯汕頭攷略一篇附焉。民國成立，迄今已逾二十有餘年，地方情狀，日新月異，已非昔時舊況故是書復有潮汕現狀一篇附焉。是書於句讀處，概加以新式標點，以便讀者。是書關係於地方文獻頗大，編者才識疎淺，力所未勝，復屬草創，簡陋滋甚，需再改訂者尙多，讀者諒之；倘蒙地方宿耆，不吝匡正，使能於將來再版時訂正改善，尤所切盼。是書因印刷關係，致逾期出書，歉仄無已。是書出版。友人多所贊襄，至為銘感。

編者識

五
一
六

目錄

題詞

圖序

汕頭市志

汕頭市志圖

自然現象

星野

氣候

風

潮汐

沿革

潮州府

目錄

目錄

潮安縣

潮陽縣

揭陽縣

饒平縣

普寧縣

大埔縣

澄海縣

普寧縣

豐順縣

疆域

郡邑

都關

墟市

山川形勢



山嶺	七三	川澤	九五	形勢	一〇六	水利	一〇九	隄防	一一二	交通	一二七	津梁	一六八	建設	一六九	城池	一八一	學宮	一七五	書院	一七五	倉儲	一八一
兵備	一八三	汛防	一八五	關隘	一八七	砲臺	一九五	鹽稅	一九七	丁稅	二〇一	田稅	二〇四	科則	二〇四	雜稅	二二八	關卡	二二九	政治	二三三	人物	二三三
稅法	一九七	鹽稅	一九九	鹽稅	一九九	鹽稅	一九九	鹽稅	一九九	鹽稅	一九九	鹽稅	一九九	鹽稅	一九九	鹽稅	一九九	鹽稅	一九九	鹽稅	一九九	鹽稅	一九九
目錄	四	目錄	四	目錄	四	目錄	四	目錄	四	目錄	四	目錄	四	目錄	四	目錄	四	目錄	四	目錄	四	目錄	四

文學	一五七	武功	二六七	篤行	二七〇	孝友	二八〇	氣節	二八〇	節義	二八六	婦女	二八六	方外	二八六	仙釋	二八六	持譽	二九二	名臣軼事(附)	二九三	風俗	三〇一
藝文	三五五	文選	三五七	古跡	三三九	紀事	三三九	佚聞	三三五	物產	三〇九	植物	三二一	動物	三二二	服用	三二三	物產	三〇九	植物	三二一	動物	三二二
藝文	三五五	文選	三五七	古跡	三三九	紀事	三三九	佚聞	三三五	物產	三〇九	植物	三二一	動物	三二二	服用	三二三	物產	三〇九	植物	三二一	動物	三二二
藝文	三五五	文選	三五七	古跡	三三九	紀事	三三九	佚聞	三三五	物產	三〇九	植物	三二一	動物	三二二	服用	三二三	物產	三〇九	植物	三二一	動物	三二二

昌黎文錄序
雲山開善禪院碑記
韓木贊
重刊西湖記
揭陽縣志序
陽明先生詩集序
祭薛給事宗舜文
潮州八賢論
東里志序
茶山增城記
金山讀書記
與唐曙臺書
祭諸葛孔明文
重游中離溪綠緣敘
九九篇自敘
目錄
目錄
韻元塔記
苦竹山房草序
霜吟自序
明世說序
祭陳國公文
古瀛詩苑序
梅岡書院記
韓江聞見錄序
復莫子偶書
四望臺賦
答黃公度書
詩選
韓山
題鳳樓樓
郭都

趙德
許中
王大寶
鍾寯
成端明
薛侃
翁萬達
林大欽
陳天資
饒相
薛雍
王天性
周光緒
林明春
郭之奇
黃香遇
羅菴傑
謝元汴
陳衍慶
楊鍾嶽
陳珏
鄭大進
洪肇泰
丁日昌
鄭心經
丁惠康
劉允
陳希儀
陳昌言

附錄一

南澳考畧

沿革——疆域——漁業

附錄二

汕頭考畧

沿革——市區——建設——通商

目錄
目錄

附錄三

潮汕現狀

汕頭市——潮安縣——潮陽縣——揭陽縣——饒平縣——惠來縣——大埔縣
澄海縣——普寧縣——豐順縣——南澳縣

附表一

滬粵飛機客票價目表

附表二

潮汕鐵路乘客價目表

附表三

潮汕鐵路夏季行車時刻表

附表四

潮汕鐵路冬季行車時刻表

一〇九


22

5

4

女史陳璧娘
楊宗瑞
女史郭貞順
神童蘇福
郭廷序
陳衍慶
饒豐慶

潮州略圖



汕頭市區圖



星野

『周禮注』十二次之分，星紀，吳越也。
『周禮疏』南斗牽牛，星紀也。吳越揚州分野。
『春秋元命苞』牽牛流爲揚州，分爲越。
『史記天官書』牽牛婺女揚州。
『史記正義』南斗牽牛須女爲星紀，於辰在丑，越之分野。
『前漢書』吳，斗分野；越，牽牛婺女分野。
『後漢書』星紀，起斗十二度至須女七度，於辰在丑，吳越之分野，屬揚州焉。
『皇清諸帝世紀』斗建在子，今吳越分野。
『晉書天文志』牽牛六星：上一星主道路；次二星主關梁；次三星主南越。
『晉書天文志』斗，牛女爲星紀，於辰在丑，吳越之分野，屬揚州。
『沈懷遠南越志』南越之地，牛女分野，揚州之本土也。
『唐書天文志』牛女爲越分。
『杜氏通典』牛女爲越之分野。

—三—
四—

『鄭氏通典』牛女在東南。
『馬氏通考』牛女屬揚州。
『山堂考索』牛女越分。
『明太祖分野書』圖輿諸郡，俱牛女分。
『大明一統志』潮州專屬牽牛。
『明史天文志』潮州府牛分。
『臧和按』：粵東古爲首揚州之域，曰南越，曰百粵，三代由然，各條所誌，皆於潮有關，星野之分，於辰爲丑，於次爲星紀，於是爲牽牛。

氣候

『潮州府』揚越之地，少陰而多陽，其得早，其處遲，其氣候燠。一日之間，氣候屢變，炎蒸則熱，風雨則寒，此夏棉冬葛有之。『詩』：『春服既成，以應春服。』『春風不時，起居宜慎也。然潮風和氣暖，即霜雪亦不殺草。唐人所謂「春人得年，仲冬果熟」，皆實錄也。且暑濕所積，蒸鬱而成，深山膏林之中，香花瘴氣，木樨開時，山嵐氣隨之而發，行者聞其香出林，臭如梅菊，毒易中人。近海郡邑，地氣稍舒，風濤鼓盪，諸瘴少作；惟山澤間，蓬蓬勃勃，鬱結如火，久而不散，唐宋時往往有之。今瘴烟大豁，險隘盡平，山川疎暢，中州清淑之氣，數道相通，蓋調燮之功鉅矣！——（廣東通志）

『潮安縣』一日內忽暖忽寒，春夏忽極涼，秋冬忽極燠，其寒燠無定候也。大抵晴則暖雨則寒；晝而暖，暮而寒；約計三百有六句，炎熱多，涼寒少，秋冬無霜雪。其常濕蒸鬱，裳服罕書，常生白霉，秋冬亦有，春夏更甚。山多嵐瘴，朝食時常烟霧蔽空，草樹溼漉。正二月間，苦榮秀，黃瓜生；十二月間，桃李華，木葉不凋。其育物常早，禾稼再熟，蟻最多，四季不絕。——（海陽志）

—五—
六—

『潮陽縣』潮邑處在嶺南，衆方無雪。——（潮陽志）

『揭陽縣』四時常花，三冬不雪，微霜不殺草。濕蒸中人，多寒熱之症。暖風所至，百騰時起，此四時之氣候也。一日之間，雨鳴寒暑，頃刻輒易。或沉陰連晝，暑濕勝人；或隆冬具扇；或一雨成涼；或晝夜夜寒，此一日之氣候也。山居嶺南，瘴氣多毒，風烟四塞，停午不開，暑雨衝激，暴而成瘴，其中於人也，多生疾病，或黃麻，足重，偏枯，癰疽不一。潮海地氣稍舒，海濤噴湧，暴風來格，此山海之氣候也。土人常茹姜醋以辟瘴，着木屐以遠濕。——（揭陽志）

『饒平縣』室多寒少，稀見霜雪。桃李冬華，禾稻雨熟。夏秋間多暴風雷雨。三九之月，霜雪霜空，人畜染之得疾，豆麥染之不熟。且夕之際，晴則暑，雨則寒；冬或衣裘，夏或重裘。——（饒平志）

『惠來縣』逼近海濱，得天地之柔氣。地卑而濕。秋末冬初，山多嵐瘴，俗謂之黃茅瘴。——（惠來志）

『澄海縣』自粵四時如夏，一雨如秋，信然矣！然寒暑不分，氣候未開，榮落非時，華實無定。未得天地之正氣也。——（澄海志）

『大埔縣』高在潮之北境，其地皆連嶺重岡，去海濱三百里，燥潤難持，寒燠靡定；大都傍攔

颶風

『投荒錄』：嶺南諸郡，皆有颶風。
『南越志』：颶者，其四方之風也。常以六七月發，未至時三日，雞犬爲之不寧。一日：『懼風』，『怖懼』也。

『嶺表錄』：夏秋之間，有暈如虹者，謂之颶母，必有颶風。

『嶺南志』：颶風將發，有微風和雨，先發後急，謂之發風。

『廣東通志』：水氣腥，爲颶風之兆。凡歲一見打節有一颶，三見打節，即有三颶。

（註）：鬼，星宿也。二十八宿之一。凡立春立夏等節逢鬼宿，謂之打節。

『周禮』：諸風皆有常期，獨颶無常期；或歲一發再發，或三四歲不發，而五六歲又發。夏秋勢盛，春冬力微。其在於冬者，曰北颶，亦偶然耳。海上人先期數日，聞有聲微發，旋而旋止，急而旋緩，知爲颶風之兆。及見雲黑，有虹低垂，下飲海水，水上生雲，微黑色，既而轉赤色，夾日以翔於南，是謂打節，又稱颶母。形如破帆，如犁頭，如爛杏，而流而北。水鳥驚飛，木葉南側，而颶風作矣。益之以暴雨，助之以驚濤，其勢愈猛烈不可狀，拔木偃禾，飛沙走石，屋宇崩搖，馬牛擗仆，靡

鮮寒，冰雪罕見。禾稼再熟，桃李冬華，民度臘，少衣絮者。或至一日而涼頓別，春夏之間，梅雨蒸鬱，濕潤罕嘗。夏秋時或終風不雨，或苦雨彌旬，或日中驟雨驟止，霜降以後，露重風涼，或朝食時猶覺燥熱，草樹盡深澤色，自秋抵寒食皆然，人中之病瘧，畜產中之暴死。——（大埔志）

『普寧縣志』：普負山而近海，大約山氣易聚，當日若暝；海氣易散，颶風則涼。高燥者候常旱，卑濕者候常濕。晴明久則春已同夏，雨水多則暑亦如秋。——（普寧志）

『豐順縣志』：豐在萬山中，寒較多於他邑。冬至後以及正月，寒裡常相半。一日中又遷改不常，若大風，陰雨，嚴霜，無論矣；即盛夏有風雨亦寒，深冬時霜白如雪，雖結薄冰，高山見雪，乃粵屬所罕聞也。晚行山多犬窩，不辨前案，日高始散，三伏暑氣，當午尤多。惟去海爲遠，濕蒸少免耳。——（豐順志）

『周禮』：嶺南諸郡，氣多蒸鬱，諸郡大畧相同。而潮處其東，所屬諸邑，或瀕於海，或依於山。地卑則多濕而少燥，南極則多暑而少寒。雖豐順在萬山中，冬有冰雪，亦不過六花偶放，蟬聲初成而已；非若他省之堅冰積雪也。唐宋以前，山原瑣瑣，視爲遺囑之區。今則青氣漸積，不稱荒裔而稱樂郊矣。

七八

潮汐

『春』：初一、初二、初三、十六、十七、十八日。（潮）巳時。（汐）亥時。

初四、初五、初六、十九、二十、二十一日。（潮）午時。（汐）子時。

初七、初八、初九、二十二、二十三、二十四日。（潮）卯時。（汐）酉時。

初十、十一、十二、二十五、二十六、二十七日。（潮）巳時。（汐）亥時。

十三、十四、十五、二十八、二十九、三十日。（潮）辰時。（汐）戌時。

『夏』：初一、初二、初三、十六、十七、十八日。（潮）辰時。（汐）戌時。

初四、初五、初六、十九、二十、二十一日。（潮）巳時。（汐）亥時。

初七、初八、初九、二十二、二十三、二十四日。（潮）寅時。（汐）申時。

初十、十一、十二、二十五、二十六、二十七日。（潮）寅時。（汐）申時。

十三、十四、十五、二十八、二十九、三十日。（潮）卯時。（汐）酉時。

『秋』：初一、初二、初三、十六、十七、十八日。（潮）巳時。（汐）亥時。

初四、初五、初六、十九、二十、二十一日。（潮）午時。（汐）子時。

初七、初八、初九、二十二、二十三、二十四日。（潮）卯時。（汐）酉時。

所不用至。昌黎所謂信風，南海志所謂信風，皆此也。颶以東北風始，必由北而西；以西北始，必由北而東；而皆終於南。蓋南方之風，歸其本位也。曰颶者，其四方之風，有發數時者，一發一日者及二三夜者，男人懼其發而難止，止而復發，故曰：『颶者懼也』。其自西北而轉於南者，名曰潮南，風力最大，又曰落西，又曰萬西風。而許龍，石尤，風颶，鐵颶，皆颶之名目也。

一九

初十、十一、十二、二十五、二十六、二十七日、(潮)卯時、(沙)酉時、
十三、十四、十五、二十八、二十九、三十日、(潮)辰時、(沙)戌時、
【冬】初一、初二、初三、十六、十七、十八日、(潮)午時、(沙)子時、
初四、初五、初六、十九、二十、二十一日、(潮)未時、(沙)丑時、
初七、初八、初九、二十二、二十三、二十四日、(潮)辰時、(沙)戌時、
初十、十一、十二、二十五、二十六、二十七日、(潮)辰時、(沙)戌時、
十三、十四、十五、二十八、二十九、三十日、(潮)巳時、(沙)亥時、

【藏和按】：潮汐分爲五節：初一、初二、初三、十六、十七、十八日、謂之平；初四、初五、初六、十九、二十、二十一日、謂之落；初七、初八、初九、二十二、二十三、二十四日、謂之敗；初十、十一、十二、二十五、二十六、二十七日、謂之起；十三、十四、十五、二十八、二十九、三十日、謂之旺。

東里志：月臨卯酉，則水漲乎東西；言月在卯酉之方，則水縮極而復生也。詩云：「月上水長」又曰：「月落海轉」，正此說也。月臨子午，則潮平乎南北，言月在子午之位，則潮長極而將退也。詩云：「月盡水縮是也」，潮之消長，三辰而盈，三辰而縮；一晝一夜，而消長凡再，然積二日而必差一辰，則應月之驗耳。何也？日行一晝夜，運

旋三百六十五度，而天一週，月之行也，一晝夜不及日十二度有奇，以晝夜百刻計之，該得三度六分半，潮惟應月，故一消一長，得三時二刻有奇；一晝夜再消長，共得十二時四刻及十二度有奇之數；積二日共差八刻強而遲一時；積十四日半，得刻凡五十，而潮復值其初，此所以二日必遲一辰，而潮望之潮，所以相同也。初、初二之月，則夕隱於西而晨出於東；十五十六之月，則夕生於東而晨沒於西；放水皆以此時漲平東西，至其日夜之中，則月或在天上，或在地下，皆臨子午之位，故潮皆以此時平乎南北潮。視月升沉，以爲消長，自古及今，未之能易也。

一一一

沿革

潮州府

【唐】唐爲南安之地。

【三代】揚州之南裔。

【秦】南海郡之揭陽。

【漢】元鼎六年，置揭陽縣，屬南海郡。建興八年，改屬交州牧。十八年，又改屬荊州牧。

【三國】吳黃武五年，以南海郡屬廣州。後主時，改屬揚州。

【晉】太康三年，析廬陵郡，置南康郡，揭陽屬之。魏揚州。咸和六年，置東官郡，析揭陽爲四縣，海陽、綏安、海寧、潮陽。屬之。義熙九年，又析東官置義安郡，增置義招縣。

領縣凡五，屬於廣州。

【宋】仍舊制。

【齊】增置程鄉，領縣凡六。

【梁】普通四年，以義安郡置東揭州，尋改爲臨州。後又析海寧地置龍溪縣，以屬南安郡。

【陳】永定中，廢臨州。仍置義安郡。

一五

潮州府

沿革

潮州府志畧

【隋】開皇九年，省義安郡，置潮州。大業三年，仍改爲義安郡；省綏安縣，改義招爲萬川。後又廢海寧縣。領縣凡四：海陽、潮陽、程鄉、萬川。

【唐】武德五年，改義安郡爲潮州，廢萬川縣，併入海陽。貞觀二年，屬江南道。開元二十二年，屬嶺南道。二十三年，改屬嶺南道。天寶元年，改爲潮陽郡，復隸福建。九年，復隸嶺南。

【宋】乾元元年，仍爲潮州。咸通三年，屬嶺南東道。領縣二：曰海陽、潮陽。程鄉。

【五代】南漢。程鄉置敬州，潮州止如海陽、潮陽二縣。

【宋】開寶四年，改敬州爲梅州，領程鄉一縣。潮州仍領二縣。至道三年，屬廣南東路。熙寧六年，省梅州，元豐之年，復置。宣和三年，析海陽置揭陽縣。領縣凡三。

【元】至元十七年，置潮州路。

【明】洪武元年，改潮州路爲融州府，改梅州路爲程鄉縣，隸之。屬嶺東道。領縣四：曰海陽、潮陽、揭陽、程鄉。成化十四年，置饒平縣。嘉靖三年，置惠來縣。五年，置大埔縣。

四十二年，置澄海縣。四十三年，置平遠縣。萬曆十一年，置普寧縣。崇正六年，置鎮平縣。共領十一縣。

【清】雍正十年，析程鄉，平遠，鎮平三縣以屬嘉應州。乾隆三年，置豐順縣。領縣凡九：曰海陽、潮陽、揭陽、饒平、惠來、大埔、澄海、普寧、豐順。

一六

『民國』改海陽縣爲潮安縣。

潮安縣(海陽)——晉咸和六年置。

潮州府志

『唐虞』南交之地。
『三代』揚州之南裔。

『秦漢三國』屬揭陽縣地。

『晉』咸和六年，析揭陽地，置海陽縣。

『宋齊梁陳』海陽縣。

『隋』海陽縣。大業三年，併海寧縣。

『唐』海陽縣。武德五年，併萬川縣。永徽元年，併潮陽縣。先天元年，復析置潮陽縣。

『五代』海陽縣。

『宋』海陽縣。紹興二年，併潮陽。十年，復析置之。

『元』海陽縣。

『明』海陽縣。成化十四年，析置饒平縣。嘉靖四十二年，析置澄海縣。(參閱澄海縣條)

『清』海陽縣。乾隆三年，析置豐順縣。(參閱豐順縣條)

一七
一八

潮陽縣

『民國』改爲潮安縣。

潮陽縣——晉咸和六年置。

『唐虞』南交之地。

『三國』揚州之南裔。

『秦漢三國』屬揭陽縣地。

『晉』咸和六年，析揭陽地，置潮陽縣。

『宋齊梁陳隋』潮陽縣。

『唐』永徽元年，省入海陽縣。先天元年，復置。

『五代』潮陽縣。

『宋』紹興二年，省入海陽縣。十年復置。

『元』潮陽縣。

『明』潮陽縣。嘉靖四年，析置惠來縣。四十五年，析置普寧縣。(參閱普寧縣條)

『清』潮陽縣。

揭陽縣——宋宣和三年置。

潮州府志

『唐虞』南交之地。

『三代』揚州之南裔。

『秦漢三國』屬揭陽縣地。

『晉』咸和六年，析爲海陽，綏安，海寧，潮陽四縣。

『宋齊梁陳隋唐五代』屬海陽縣地。

『宋』宣和六年，析海陽地置揭陽縣。紹興二年，省入海陽縣。十年復置。

『元』揭陽縣。

『明』揭陽縣。嘉靖四十二年，析置澄海縣。(參閱澄海縣條)

『清』揭陽縣。乾隆三年，析置豐順縣。(參閱豐順縣條)

縣和按：自宋至晉所稱揭陽，實合一郡而言，非指今之縣治也。晉咸和年間，揭陽既析爲海陽，綏安海寧，潮陽四縣。而揭陽古縣以廢，迄宋宣和年間，以海陽三鄉置揭陽縣，始爲今治。

饒平縣——明成化十四年置。

『唐虞』南交之地。

一九
二〇

惠來縣

『三代』揚州之南裔。

『秦漢三國』屬揭陽縣地。

『晉宋齊梁陳隋唐五代宋元』屬海陽縣地。

『明』成化十四年，析海陽地，置饒平縣。嘉靖四年，析置大埔縣(參閱大埔縣條)。四十四年，析置澄海縣。(參閱澄海縣條)又割秋溪鄉歸海陽縣。

『清』饒平縣。

惠來縣——明嘉靖三年置。

『唐虞』南交之地。

『三代』揚州之南裔。

『秦漢三國』屬揭陽，博羅二縣地。

『晉』咸和六年析揭陽置潮陽，併博羅置海豐，屬潮陽海豐二縣地。

『宋齊梁陳隋』屬潮陽海豐二縣地。

『唐』潮陽併於海陽，旋復置。

『五代』屬潮陽海豐二縣地。

『宋』潮陽併於澄陽，旋復置。
『元』屬潮陽海豐二縣地。
『明』嘉靖三年，析海豐潮陽二縣地，置惠來縣。
『清』惠來縣。

大埔縣——明嘉靖四年置

『唐』屬『南交』之地。
『三代』揚州之南裔。
『秦漢三國』屬揭陽縣地。
『晉宋齊梁陳』屬義招縣地。
『隋』大業初，改義招爲萬川。
『唐』武德五年，廢萬川，併於海陽縣。
『五代宋元』屬海陽縣地。
『明』成化十四年，析海陽地，置饒平縣。嘉靖四年析饒平之柘州，清遠二都，置大埔縣。
『清』大埔縣。乾隆三年，析清遠都之白芒爺等地置豐順縣。（參閱豐順縣條）

澄海縣——明嘉靖四十二年置

『唐』屬『南交』之地。
『三代』揚州之南裔。
『秦漢三國』屬揭陽縣地。
『晉宋齊梁陳隋唐五代』屬海陽縣地。
『宋』宣和三年，析海陽地置揭陽縣。屬海陽，揭陽二縣地。
『元』屬海陽揭陽二縣地。
『明』成化十四年，析海陽地，置饒平縣。嘉靖四十二年，屬海陽揭陽，饒平三縣地，置澄海縣。

普寧縣——明萬曆十年置

『唐』屬『南交』之地。
『三代』揚州之南裔。
『秦漢三國』屬揭陽縣地。

『晉宋齊梁陳隋唐五代宋元』屬潮陽縣地。
『明』嘉靖三年，析潮陽之黃坑，減水，洋島三都，置普寧縣。
『清』普寧縣。

『戴和按』：雍正十年，巡撫楊文乾奏謂：減水，洋島二都，爲潮陽臺右所吞。遂仍以減水一都還之，並割洋島之尾及貴山下半都歸焉。

豐順縣——清乾隆三年置

『唐』屬『南交』之地。
『三代』揚州之南裔。
『秦漢三國』屬揭陽縣地。
『晉宋齊梁陳隋唐五代宋元明』屬海陽縣地。
『清』乾隆三年，析海陽，揭陽，大埔，嘉應之地，屬豐順縣。

——
——
——

——
——
——

郡邑

潮州府

『疆界』東至分水關，福建詔安界；西至巡心堡，嘉應界；南至海門，爲大海；北至肇市，福建上杭界；東南至海山，南澳；東北至柏嵩關，福建平和界；西南至葵潭，陸豐界；西北至紫黃堡，嘉應界；

『府境』廣三百七十里，袤四百八十里。領縣九：曰潮安，曰潮陽，曰饒平，曰惠來，曰大埔，曰澄海，曰普寧，曰豐順。（另南澳一縣，係新置，另詳）。

潮安縣

『疆界』東至白石嶺，饒平界；西至白水巖，揭陽界；南至龍頭，澄海界；北至葛布塘，豐順界；東南至寮口湖，饒平界；東北至南嶺嶺，饒平界；西南至萬里橋，揭陽界；西北至鄭末鄉，豐順界；

『縣境』廣八十里，袤二百八十里。除城中及東、西、南、北各廂外，分十二都：曰大和都，曰登雲都，曰登隆都，曰隆津都，曰南桂都，曰上南都，曰東前都，曰秋溪都，曰龍溪都，

曰江東都，曰水南都，曰登榮都，曰歸仁都。

潮陽縣

『疆界』東至蓮澳，爲大海；西至陳洞徑，普寧界；南至草無，惠來界；北至南砲臺，揭陽界；東南至海門，饒平，爲大海；東北至角石汛，澄海界；西南至葵潭，惠來界；西北至大尖山，揭陽界；

『縣境』廣二百八十里，袤八十五里。分十二都：曰縣廓都，曰附廓都，曰峽山都，曰黃圃都，曰界線都，曰貴山都，曰直浦都，曰竹山都，曰招收都，曰砂浦都，曰隆井都，曰洋島都。

揭陽縣

『疆界』東至鄒堂，澄海界；西至長潭子，嘉應界；南至屯埔，普寧界；又鋪前，潮陽界；北至萬里橋，潮安界；東南至小坑，澄海界；東北至深坑，潮陽界；西南至三山廟、輪嶺，長樂，海豐二縣界；西北至獅子洞，長樂界；

『縣境』廣二百八十里，袤八十五里。分爲九都：曰漁湖都，曰藍田都，曰勢溪都，曰官溪都，

二七
二八

，曰桃山都，曰地美都，曰梅園都，曰雲田都。

饒平縣

『疆界』東至老虎，分水二關，福建詔安界；西至南嶺嶺，潮安界；南至海山，爲大海；北至九峻嶺，大埔界；東南至黃岡，南澳，爲大海；東北至柏嵩關，福建平和界；西南至秀才徑，潮安界；西北至張公嶺，大埔界；

『縣境』廣一百九十里，袤一百八十里。分爲四都：曰元歌都，曰隆眼城都，曰宣化都，曰信寧都。

惠來縣

『疆界』東至草無，潮陽界；西至赤岡營，海豐界；南至神泉，爲大海；北至鹽嶺，潮陽界；東南至媽海所，爲大海；東北至雷公嶺，潮陽界；西南至甲子港，海豐界；西北至雲落徑，潮陽界；

『縣境』廣一百七十里，袤六十五里。分爲五都：曰惠來都，曰西頭都，曰大泥都，曰隆井都，曰龍溪都。

大埔縣

『疆界』東至箭竹隘，福建永定界；西至潭澳村，豐順界；南至九峻嶺，饒平界；北至碎砂隘，福建上杭界；東南至赤石巖，福建平和界；東北至肇市，福建上杭界；西南至張公嶺，饒平界；西北至蓬寮灘，嘉應界；

『縣境』廣二百二十里，袤一百七十里。分爲二都：曰漳州都，曰清遠都。

澄海縣

『疆界』東至三嶼，饒平界；西至花埭，潮安界；南至放礮山，潮陽界；北至南溪鄉，饒平界；東南至南澳界，爲大海；東北至九溪橋，饒平界；西南至淨湖山，潮陽，揭陽二縣界，西北至芒洞溪，潮安界；

『縣境』廣三十里，袤八十五里。分爲七都：曰下外前都，曰中外前都，曰上外前都，曰蘇灣都，曰蓬湖都，曰蛇江都，曰饒浦都。

普寧縣

『疆界』東至沙浦鄉，潮陽界；西至草洋塘，陸豐界；南至海；北至鹽嶺，普寧界；東南至海

二九
三〇